


Xullo 2018.



Jesús Simal no laboratorio acompañado polas investigadoras Eva Pose e Raquel Rial.

O CATEDRÁTICO JESÚS SIMAL REPRESENTARÁ Á UNIVERSIDADE NO I CUMIO DE INNOVACIÓN TECNOLÓXICA E ECONOMÍA CIRCULAR

Ma DEL CAMEN ECHEVARRÍA DUVI 02/07/2018

300 persoas, das que 19 son galegas, elixidas de entre case 2000 candidatas e candidatos de toda España, participarán o vindeiro venres 6 de xullo en Madrid no I Cumio de Innovación Tecnoloxía e Economía Circular, organizado pola [Advanced Leadership Foundation](#), e no que, catro premios Nobel e outros líderes nacionais e internacionais, formarán ás persoas seleccionadas, tanto en innovación tecnolóxica, como en economía circular. [+Info.](#)



A exposición Facedoras de Bueu pode visitarse no Museo Massó.

FOTOGRAFÍAS QUE RENDEN HOMENAXE ÁS “FACEDORAS” DE BUEU

DUVI PONTEVEDRA 03/07/2018

Unha “homenaxe a mulleres reais”, a mulleres que co seu traballo contribuíron ao desenvolvemento da vila de Bueu, pero que, pola contra, “reciben escaso recoñecemento” polo seu labor. Con este propósito articulou a artista e profesora da Facultade de Belas Artes Mar Caldas *Facedoras de Bueu*, a exposición fotográfica que actualmente se exhibe no Museo Massó desta localidade e na que traballadoras da conserva, redeiras, costureiras ou cociñeiras son retratadas no espazo público. [+Info.](#)

A AVESPA VELUTINA TAMÉN É COUSA DE NENOS E NENAS

DUVI OURENSE 04/07/2018

A Aula da Natureza de Oira acolleu este mércores unha actividade didáctica destinada a nenos e nenas sobre a avespá velutina. Nela, investigadoras do campus de Ourense compartiron cos cativos e cativas unha sesión na que tiveron a oportunidade de explicarlle as características desta especie e dos seus niños e incluso como actuar ante a súa presenza. [+Info.](#)



Investigadoras do campus participaron nunha sesión divulgativa na Aula da Natureza da Oira.



Fotografía de familia das participantes na visita.

ACADÉMICAS AMERICANAS ELIXEN VIGO COMO DESTINO DE INTERESE LITERARIO

DUVI 05/07/2018

As investigadoras do grupo de investigación en Literatura Infantil e Xuvenil da Facultade de Filoloxía e Tradución recibiron esta semana nas instalacións do Museo Verbum a visita dun grupo de académicas americanas xubiladas pertencentes ao Rye Memorial Literary Group, un grupo de mulleres que, desde hai anos, visita diferentes lugares repartidos por todo o mundo con elevado interese literario, elixindo nesta ocasión a cidade de Vigo como destino. [+Info.](#)

2



Manuel Reigosa, Jesus Vázquez e Antonio López.
Foto: Xunta.

AS UNIVERSIDADES DE VIGO E SANTIAGO COOPERARÁN COA CONSELLERÍA DE SANIDADE PARA DAR UNHA MELLOR ASISTENCIA SANITARIA

DUVI 09/07/2018

As universidades de Vigo e Santiago de Compostela alíanse coa Consellería de Sanidade e o Servizo Galego de Saúde (Sergas) para de mellorar a calidade asistencial sanitaria que se presta á cidadanía e optimizar deste xeito a utilización dos recursos dispoñibles. Para isto, o titular da carteira sanitaria autonómica, Jesús Vázquez Almuíña, e os reitores de Vigo, Manuel Reigosa, e Santiago, Antonio López, asinaron este luns un convenio de colaboración. [+Info.](#)



Unha visita das aulas sénior esta primavera a San Cibrao e Ribadavia.

ABERTO O PRAZO DE PREINSCRICIÓN PARA O PROGRAMA DE MAIORES

DUVI 09/07/2018

Que nunca é tarde para aprender e formarse é unha das máximas do envellecemento activo e neste obxectivo traballa a Universidade de Vigo co Programa de Maiores, unha iniciativa formativa para os maiores de 55 anos que queiran implicarse na vida universitaria a través de actividades académicas paralelas ás ensinanzas regradas. Estas aulas sénior botaron a andar en 2002 e, dende ese momento, a súa aceptación entre as persoas sénior foi crescendo ata consolidarse na actualidade con preto de 600 estudantes cada ano. [+Info.](#)



O docente e investigador da Universidade de Vigo e membro do comité científico Jaime Alonso.

CUESTIÓN FISCAIS, MONETARIAS E DO MERCADO DE TRABALLO CENTRARÁN A 23ª EDICIÓN DO WORKSHOP ON DYNAMIC MACROECONOMICS

M^a DEL CARMEN ECHEVARRÍA DUVI 09/07/2018

14 estudantes que presentan os seus traballos de doutoramento e 21 sénior, dos que nove son da Universidade de Vigo, que discutirán esas investigacións, participarán entre este martes 10 de xullo e o vindeiro xoves no XXIII Workshop on Dynamic Macroeconomics, que se celebrará no castelo de Soutomaior. Organizado polo grupo de investigación Research Group of Economic Analysis (RGEA) da Universidade de Vigo e coa colaboración de docentes doutras universidades e centros de investigación internacionais [+Info.](#)



Os afloramentos costeiros están a actuar como un moderador do quecemento global.

OS AFLORAMENTOS COSTEIROS ESTÁN A ACTUAR COMO UN MODERADOR DO QUECEMENTO GLOBAL

ROSA TEDÍN DUVI OURENSE 13/07/2018

O océano é unha gran fonte de recursos para o ser humano e, por tanto, é básico coñecer en detalle aqueles mecanismos ou variacións que poidan ocorrer nel e que poden afectar de forma relevante tanto en termos socioeconómicos como de biodiversidade. Tendo en conta esta premisa, Rubén Varela, físico do Grupo Environmental Physics Laboratory (Ephyslab) da Universidade de Vigo, analizou na súa tese de doutoramento a evolución dos afloramentos costeiros e a súa relación co cambio climático. [+Info.](#)



O reloxo biolóxico do rodaballo centro o último Café con Sal deste curso.

O RELOXO BIOLÓXICO DO RODABALLO CENTRA O ÚLTIMO CAFÉ CON SAL DESTE CURSO

DUVI 12/07/2018

O reloxo biolóxico do rodaballo centrou este xoves o último Café con Sal deste curso. A charla tivo lugar no salón de actos da Ecimat e encargouse de impartila a investigadora do Laboratorio de Fisioloxía de Peixes Rosa Ceinos, que afondou na súa intervención na posibilidade de que os compoñentes claves no reloxo biolóxico do rodaballo sexan regulados pola luz e/ou o alimento. [+Info.](#)



Xabier Labandeira e Pedro Linares, directores de Economics for Energy, a no centro Valvanera Ulargui, directora da Oficina Española de Cambio Climático do Ministerio de Transición Ecolóxica.

O PRIMEIRO BARÓMETRO DE TRANSICIÓN ENERXÉTICA EN ESPAÑA REVELA A NECESIDADE DE ACELERAR A HEXEMONÍA DAS ENERXÍAS LIMPAS

DUVI 12/07/2018

Tras un avance lento durante os últimos anos, España precisa acelerar o seu ritmo de transición cara un modelo enerxético sostible marcado pola hexemonía das enerxías limpas. Esta é unha das conclusións do primeiro [Barómetro de Transición Enerxética en España](#), elaborado polo centro de investigación Economics for Energy, que dirixen o catedrático da Universidade de Vigo Xabier Labandeira e o profesor da Universidad Pontificia Comillas ICAI-ICADE Pedro Linares. [+Info.](#)

4



O persoal investigador do proxecto co reitor.

A UNIVERSIDADE LIDERA UN PROXECTO EUROPEO DE XESTIÓN DE INFRAESTRUTURAS QUE FACILITA A RESPONSA RÁPIDA A EVENTOS EXTREMOS

D. BESADÍO DUVI 19/07/2018

Crear un sistema europeo de xestión de infraestruturas capaz de deseñar, validar e establecer métodos, estratexias, ferramentas e intervencións técnicas para aumentar de xeito significativo a resistencia e a seguridade da rede de estradas e de infraestruturas ferroviarias ante circunstancias adversas ou eventos extremos, desde inundacións ata secas, incendios forestais, terremotos ou correntamentos de terra. Este é o gran obxectivo de [Safeway](#), o primeiro proxecto europeo da convocatoria H2020 liderado pola Universidade de Vigo e no que se aglutina a 15 socios de sete países. [+Info](#)




A convocatoria de axudas Inou destina 40.425 á realización de novos proxectos feitos no campus

SETE INVESTIGACIÓNS PARA CONTRIBUÍR AO DESENVOLVEMENTO DA PROVINCIA DE OURENSE

DUVI OURENSE 20/07/2018

A Vicerreitoría do Campus de Ourense ven de facer pública a [resolución da convocatoria de axudas de investigación Inou 2018](#). Nesta edición destinaranse 40.425 euros a financiar sete proxectos desenvolvidos por investigadores e investigadoras de cinco facultades e escolas do campus de Ourense. As súas temáticas abranguen desde a violencia dixital ata o termalismo. [+info](#)



O uso terapéutico do teatro axuda a reducir o malestar psicolóxico das vítimas de violencia machista.

O USO TERAPÉUTICO DO TEATRO AXUDA A REDUCIR O MALESTAR PSICOLÓXICO DAS VÍTIMAS DE VIOLENCIA MACHISTA

EDUARDO MUÑIZ DUVI PONTEVEDRA 20/07/2018

O desenvolvemento dun programa de intervención con vítimas de violencia de xénero baseado no uso terapéutico de técnicas teatrais contribúe a unha “redución importante da sintomatoloxía depresiva” que padecen as vítimas, amósase como un medio de superación “do illamento ao que son sometidas polos agresores” e fai posible “unha diminución do malestar psicolóxico e melloras na motivación”. Estas son as principais conclusións que a psicóloga María Luisa Mondolfi extrae do programa baseado na dramaterapia. [+info](#)

5



Imaxe do encontro. Fonte: Deputación de Pontevedra.

XUNTANZA 'EN CLAVE FEMININA' COA DEPUTACIÓN DE PONTEVEDRA

DUVI PONTEVEDRA 27/07/2018

Este venres catro vicerreitoras da Universidade de Vigo -María Consuelo Pérez, Natalia Caparrini, Mónica Valderrama e María Isabel Doval-, xunto coa xerenta, Raquel Souto, e o vicerreitor do campus de Pontevedra, Jorge Soto, reuníronse con Carmela Silva, presidenta da Deputación de Pontevedra. A colaboración institucional e a igualdade foron algúns dos temas abordados nun encontro no que as vicerreitoras agradeceron a boa disposición do órgano provincial e amosaron o seu interese en incentivar a colaboración mutua. [+info](#)



A cita do emprendemento celebrarase en Pontevedra do 20 ao 22 de setembro.

45 PROXECTOS EMPRENDEDORES PARTICIPARÁN NA 5ª EDICIÓN DE PONT-UP STORE

DUVI 30/07/2018

Despois dun intenso proceso de selección, no que se partía dun total de 144 solicitudes de recibidas, un 10% máis que o ano anterior, o comité organizador da 5ª edición de Pont-Up Store seleccionou un total de 45 proxectos que participarán no maior encontro do novo emprendemento en Galicia, que se celebrará en Pontevedra do 20 ao 22 de setembro. Do total de propostas recibidas, nas que as novas tecnoloxías volven achegar as iniciativas máis impactantes, seguidas polas dos sectores da saúde e benestar, turismo, textil, gastronomía e xestión cultural, 37 disporán dun stand gratuíto para amosar os seus produtos, ideas e servizos e seis terán a oportunidade de participar no programa de actividades [+info](#)

UNIVERSIDADE DE VIGO

Unidade de Análisis e Programas.

Anexo a xerencia.

Planta Baixa.

36310 Vigo (Pontevedra)

986.818.689 986.818.640